

სახელმწიფო შესყიდვების შესახებ ხელშეკრულება N

ქ. თბილისი

30 დეკემბერი, 2020 წელი

შემსყიდველი: სსიპ „საქართველოს ეროვნული ბანკი“, აღმასრულებელი დირექტორის ვახტანგ ბურკიაშვილის სახით;

მისამართი: თბილისი, 0114, სანაპიროს 2;

საიდენტიფიკაციო კოდი: 203 824 148.

მიმწოდებელი: შპს „საშხაპე -2018“, დირექტორის ზაზა ენდელაძის სახით

მისამართი: ქ. თბილისი, დიდმის მასივი, I კვარტალი, კორპუსი 12, ბინა 58

ტელეფონი და ელ-ფოსტის მისამართი: info@qwash.ge; +995593646864;

საიდენტიფიკაციო კოდი: 402104959

საბანკო რეკვიზიტები: სს „თიბისი ბანკის“ კოდი: TBCBGE22; ა/ა GE89TB7530336080100010

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება #NAT200019628) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგნაირად:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს საქართველოს ეროვნული ბანკის ავტომობილების რეცხვის და სალონის ქიმიკატების მომსახურების (შემდგომში „მომსახურება“) (CPV კოდი – 50112300) შესყიდვა ხელშეკრულების პირობების და დანართი N1-ის და N2-ის შესაბამისად.
- 1.2. დანართი N1 და N2 წარმოადგენს წინამდებარე ხელშეკრულებას განუყოფელ ნაწილს.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებს სეპ-ის შესყიდვების და ლოჯისტიკის დეპარტამენტის უფროსი და სეპ-ის შესყიდვების და ლოჯისტიკის დეპარტამენტის ლოჯისტიკის განყოფილების უფროსი ან/და მათ მიერ უფლებამოსილი პირ(ებ)ი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3. მომსახურების მიღება-ჩაბარების წესი

- 3.1. მიმწოდებელმა მომსახურების გაწევა უნდა განახორციელოს დანართი N1-ში და N2-ში განსაზღვრული პირობების და ვადების შესაბამისად.
- 3.2. მომსახურების ან მისი ნაწილის გაწევა (ყოველთვიურად გაწეული მომსახურება) ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. მომსახურები მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

- 3.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული მომსახურების და წუნდების მიზეზის მითითებით.
- 3.5. შემსყიდველის მხრიდან 3.2 პუნქტში აღნიშნული მიღება-ჩაბარების აქტის ხელმომწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული მომსახურების საერთო სავარაუდო ღირებულება შეადგენს 21000.00 (ოცდაერთი ათას) ლარს („ხელშეკრულების ფასი“).
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. ფაქტიურად გაწეული მომსახურების ღირებულების გადახდა ხორციელდება უნაღდო ანგარიშსწორების წესით, ლარში.
- 4.4. საბარათე (პლასტიკური ბარათი) სისტემის გამოყენების შემთხვევაში ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად, ფაქტიურად განხორციელებული მომსახურების ან მისი ნაწილის მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.
- 4.5. სატალონე სისტემის გამოყენების შემთხვევაში ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად, მომსახურების ტალონების მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას გაწეული მომსახურება.
- 5.2. შემსყიდველს უფლება აქვს არ შეისყიდოს წინამდებარე ხელშეკრულებით გათვალისწინებული მომსახურების სრული მოცულობა.
- 5.3. შემსყიდველი ვალდებულია გადაუხადოს მიმწოდებელს ფაქტიურად გაწეული მომსახურების ღირებულება ხელშეკრულებით გათვალისწინებული პირობების შესაბამისად.
- 5.4. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას გაუწიოს შემსყიდველს ხელშეკრულებით გათვალისწინებული მომსახურება.
- 5.5. რეცხვისას ავტომატური დაზიანების შემთხვევაში მიმწოდებელი ვალდებულია აუნაზღუროს შემსყიდველს შეკეთების ხარჯები.
- 5.6. მიმწოდებელს უფლება აქვს გაწეული მომსახურების სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 6.2. ვალდებულებების დაგვიანებით შესრულების, შეუსრულებლობის ან არაჯეროვნად

შესრულების თითოეული შემთხვევისათვის, რომელიც დაფიქსირებული იქნება წინამდებარე ხელშეკრულების მე-2 მუხლის 2.1 პუნქტის შესაბამისად განხორციელებული კონტროლის/ინსპექტირების შედეგად, “მიმწოდებელი” მოვალეა გადაიხადოს პირგასამტეხლო ხელშეკრულების ფასის 0.5%-ის ოდენობით.

- 6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.
- 6.4. პირგასამტეხლოს გადახდა მოხდება მიმწოდებლისათვის ასანაზღაურებელი თანხიდან გამოქვითვის საშუალებით.
- 6.5. ხელშეკრულების მოქმედების პერიოდში 6.2 პუნქტში აღნიშნული საჯარიმო სანქციის 3-ჯერ ან/და მეტჯერ გამოყენების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, მიმწოდებლის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება ხელშეკრულების 6.1 ან 6.3 პუნქტებით გათვალისწინებული სანქციები.
- 6.6. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0,1%-ის ოდენობით.
- 6.7. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

7. ხელშეკრულებაში ცვლილების შეტანა და ხელშეკრულების შეწყვეტა

- 7.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 7.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 7.5. მხარე ვალდებულია 7.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8. დაუძლეველი ძალა

- 8.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 8.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს,

იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

- 8.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

9. დავები და მათი გადაწყვეტის წესი

- 9.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

10. ხელშეკრულების მოქმედების ვადა

- 10.1. ხელშეკრულება ძალაში შედის მხარეთა ხელმოწერის დღიდან და მოქმედებს სულ მცირე 30 დღის განმავლობაში მხარეთა მიერ ვალდებულებების სრულად შესრულების დღიდან, მაგრამ არაუგვიანეს 2022 წლის 31 იანვრისა.

11. ზოგადი დებულებები

- 11.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 11.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 11.3. ხელშეკრულება შედგენილია ქართულ ენაზე და დამოწმებულია მხარეთა კვალიფიციური ელექტრონული ხელმოწერით/შტამპით.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:

ვახტანგ ბურკიაშვილი _____

ზაზა ენდელაძე _____

ადმასრულებელი დირექტორი

დირექტორი

ბ.ა.

ბ.ა.

ფასების ცხრილი

N	დასახელება	რაოდენობა (ცალი)	ფასი (ლარებში)	
			ერთეულის	საერთო
1	მსუბუქი ავტომობილის რეცხვა	1850	9	16650
2	მაღალი გამავლობის მსუბუქი ავტომობილის რეცხვა	144	16	2304
3	მსუბუქი ავტომობილის ქიმწმენდა	15	100	1500
4	მაღალი გამავლობის მსუბუქი ავტომობილის ქიმწმენდა	3	182	546
ჯამი				21000

შემსყიდველის მხრიდან:

მიმწოდებლის მხრიდან:

ვახტანგ ბურკიაშვილი _____

ზაზა ენდელაძე _____

აღმასრულებელი დირექტორი

დირექტორი

ბ.ა.

ბ.ა.

გასაწევი მომსახურების ტექნიკური დავალება

შესყიდვის ობიექტი: მსუბუქი (სედანი) და მაღალი გამავლობის მსუბუქი (ჯიპი) ავტომობილების უკონტაქტო რეცხვა და სალონის ქიმწმენდა (შემდგომში „მომსახურება“):

- მსუბუქი (სედანი) ავტომობილის რეცხვა - 1850-ჯერ;
- მაღალი გამავლობის მსუბუქი (ჯიპი) ავტომობილის რეცხვა - 144 - ჯერ;
- მსუბუქი ავტომობილის ქიმწმენდა - 15-ჯერ;
- მაღალი გამავლობის მსუბუქი (ჯიპი) ავტომობილის ქიმწმენდა - 3-ჯერ.

1. ძირითადი მოთხოვნები გასაწევი მომსახურებისადმი:

1.1. მომსახურება უნდა განხორციელდეს საბარათე სისტემით;

1.2. მიმწოდებელი ვალდებულია შემსყიდველის მოთხოვნიდან არაუგვიანეს სამ სამუშაო დღეში საკუთარ ვებ-გვერდზე გაუხსნას შემსყიდველს სპეციალური ანგარიში და გადასცეს მას პლასტიკური ბარათები უსასყიდლოდ;

1.3. მიმწოდებელი ვალდებულია უზრუნველყოს შემსყიდველის მიერ შემენილი მომსახურების რაოდენობების ასახვა აღნიშნულ ანგარიშზე, პლასტიკურ ბარათებზე მათი შემდგომი განაწილების მიზნით;

1.4. სპეციალურ ანგარიშზე რეცხვის მომსახურების რაოდენობის ასახვის შემდეგ, იგი წარმოადგენს შემსყიდველის საკუთრებას და შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე ინტერნეტით მიმწოდებლის ვებგვერდის საშუალებით, შემსყიდველის სახელისა და საიდენტიფიკაციო პაროლის გამოყენებით;

1.5. პლასტიკური ბარათის წარდგენის შემთხვევაში მისი მფლობელი უფლებამოსილია მიიღოს ბარათზე ასახული მომსახურება მიმწოდებლის კუთვნილ ნებისმიერ ავტოსამრეცხაო სადგურში;

1.6. რეცხვითი მომსახურების განხორციელებისას მიმწოდებელი ვალდებულია უზრუნველყოს ავტომობილის ძარის, სალონის და საბარგულის რეცხვა, უკონტაქტო რეცხვისათვის საჭირო მაღალი წნევის სარეცხი აპარატურით, მტვერსასრუტით და სხვა საჭირო ინვენტარით. რეცხვისას გამოყენებული უნდა იქნეს მაღალი ხარისხის სარეცხი და საწმენდი საშუალებები.

2. რეცხვისა და ქიმწმენდისას ავტომობილის დაზიანების შემთხვევაში მიმწოდებელი ვალდებულია აუნაზღაუროს შემსყიდველს შეკეთების ხარჯები.

3. მიმწოდებელმა მომსახურება უნდა უზრუნველყოს 2021 წლის 1 იანვრიდან - 31 დეკემბრის ჩათვლით, კვირის ნებისმიერ დღეს:

- ზაფხულის პერიოდი (15 აპრილიდან - 15 ნოემბრამდე) - 9:00 საათიდან 21:00 საათამდე;
- ზამთრის პერიოდი (15 ნოემბრიდან - 15 აპრილამდე) - 9:15 საათიდან 20:00 საათამდე.

4. ხელშეკრულების მოქმედების პერიოდში, სატენდერო წინადადებით შემოთავაზებული სამრეცხაო სადგურების ცვლილების შემთხვევაში მიმწოდებელი ვალდებულია არაუგვიანეს 5

სამუშაო დღით ადრე წერილობით აცნობოს შემსყიდველს აღნიშნულის შესახებ. ჩანაცვლებული ავტო სამრეცხაო სადგური უნდა აკმაყოფილებდეს სატენდერო პირობებით განსაზღვრულ მოთხოვნებს.

5. მიმწოდებელმა მომსახურება უნდა განახორციელოს ქვემოთ მითითებულ მისამართებზე განთავსებულ ავტოსამრეცხაო სადგურების მეშვეობით:

N	მისამართი
1	თბილისი, ჰეიდარ ალიევის მარჯვენა სანაპირო N13-ში განთავსებული ვისოლის ავტოგასამართ სადგურის სამრეცხაო.
2	თბილისი, ქეთევან წამებული გამზ N71-ის მოპირდაპირედ, ვისოლის ავტოგასამართ სადგური.
3	თბილისი, ჯიქიას ქ. N2ა-ში ვისოლის ავტოგასამართ სადგური.
4	თბილისი, დიდუბის ავტოსადგურიდან ქსნის ქუჩისკენ მიმავალ სანაპიროზე. ვისოლის ავტოგასამართ სადგური.
5	თბილისი, გურამიშვილის გამზ. N39თ-ში ვისოლის ავტოგასამართ სადგური.
6	თბილისი, რიყის ტერიტორიაზე მდებარე, მეიდან პარკინგზე მდებარე ავტოსამრეცხაო.
7	ქ.თბილისი, ილია ვეკუას ქ N42, სავაჭრო ცენტრის პარკინგის ტერიტორია.

შემსყიდველის მხრიდან:

მიმწოდებლის მხრიდან:

ვახტანგ ბურკიაშვილი _____

ზაზა ენდელაძე _____

აღმასრულებელი დირექტორი

დირექტორი

ბ.ა.

ბ.ა.